

畫壁遺稿自序

承謨蓬頭垢面繫頸擊手逢

萬壽聖節者三丙辰三月十八日肅誠向

闕拜舞深愧忝生聖世不死振拔淪為誤

國庸臣辱親敗子乘未灰餘燼志梗概于壁俾後之見者知余

不肖不才所遭不幸也邇余生而庸弱

先大傳督訓嚴切真有成立辛卯春

世祖章皇帝以元勳子選克侍衛復以年方幼稚免入直扈從令

在家讀書大慶賀入班行禮是年

詔八旗滿漢子弟有文學者與漢人一體鄉會試余得登賢書明

年壬辰成進士癸亥吉十甲午解館授侍讀學士余病懶性

成常經月不至翰館而聖轉之階反越常次嗚呼

先皇帝之恩何以報稱耶

先帝龍馭上賓余浮沉班末年餘循資陞學士時伯兄充浙東援
勦總兵官先太傅左右侍養無人余復以多病恐曠廢職業
力求解任辭至再始得請歷三載

廷議撤援勦諸路兵馬伯兄歸京師丙午孟秋望日閣族集東
臯習射飲酒諸幼年子弟輩賦詩屬對是日先太傅顧而樂
之因謂余兄弟曰吾家世受

國恩爾等乘年力富強宜速補官為

國家効力中外勿以予老為念申諭再三不意余兄弟罪孽深
重先太傅于是年八月初二日棄不肖輩長逝服闋補秘書

院學士先是先太傅在日今

皇帝尚冲齡一日余與同官進

內請

寶

上詢曰爾誰氏子爾父何官今在否年幾何余悉其先太傅始未
以對

上喜曰爾若子耶如此者教四後值

朝賀期先太傳入賀

上指問左右而不名但曰此非某官乎且稱說

祖宗朝往事甚詳左右皆驚為異教余解任後代余者同衆入內
上問曰此為誰范承謨何久不見閣臣奏曰承謨病解任矣此其

代者

上曰果病耶劇耶病愈尚起用耶對曰病須調理一痊即補
上頷之者再先太傅聞

宸注如此感激益深因追憶昔年

太宗

世祖舊恩輒向北流涕不止故亟圖報稱之語時加訓督次年

上親御萬幾余與同輩日侍左右至久巡撫浙江缺人

廷推及余

上色喜諭曰浙江東南要地國計民生悉委爾矣可善為之余受
命惶悚自顧駑鈍庸茲繁要晝夜拮据寢食不遑而德薄才微政
多闕誤以致上干天和旱潦頻仍蟲疾叠降二三年間僕

山陬水澨勘荒拯災請蠲請賑改折免徵心勞形憊幸

聖天子愛民如保凡為民請命之疏雖部議格不行

上必駁令再議或徑

批如所請行嗚呼不才如謨何幸有此遭遇也久之事益繁食

日減舊疴新疾交攻羸體待已以病告

上憫念微勞准馳驛回京調理以時內而科道外而將軍總督提
鎮巡監御史及兵民商賈具疏叩關挽留者日相繼始猶駭
恤病臣未即報允後乃

允提臣請復留浙年餘余力疾視事不敢少懈會聞督需人時余
以他過錫級例不准列

上特簡在任壬子十二月二十五日接印是日忽感氣逆之症

攻衝五內猝病陡陰雖極力調治時減時發遂力辭
新命未蒙

俞允因請

陛見欲面陳病狀

上允之入都時即賜

召對首詢江浙民生疾苦既經由諸處光景余悉條奏無隱次
即俯問病勢何似獎勞備至親遣

御醫就舍診視賜秘府之方頒上方之藥旬無虛日未幾以薦
舉人才一案致註吏議具疏認罪靜聽處分兼值臬行察典
內外官三品以上例令自陳余因又以病告期得罷免藏拙
立園及

命下仍令速赴新任

御醫回奏又云療治稍痊可以理事余感激

主知不加斥逐任用職爲尚安敢辭海疆之險偷帷席之安也

陛辭日

上曰閩海氛未靖地方困苦已極爲天下第一煩劇要地卿庶能
素著亦爲天下最故特倚任仍賜

御衣帽

上廐良馬鞍轡迥異常數獲

命近侍就

廷前宣諭曰

此朕時刻所御之服鮮以衣爾如見朕也次日入謝

賜宴畢而辭就道間關萬里堂上奉末許

國以身不違將母而戀君親之心從此與道路俱長矣行至
山東界宿羊留店相傳為折臂三公故里其夜

賜驥忽殞余嘆息良久知駟驅天未終無功也及渝浙抵仙霞
關一望層巒疊嶂瘴霧迷漫險灘怪石奔流急瀉中藏猛虎
毒蛇磨牙礪爪擇人而噬以駭村落荒涼城郭破碎崎嶇甚
于蜀道變幻疑于鬼窟屢任修諫訪情勢檢閱冊籍不覺失
聲大呼曰閩疆之敗壞一至此耶夫計軍政所以勸懲文武
此省豈無廉能循吏知勇于癘而使之淪落一官淹塞萬狀
廉吏勇將之心不堪問矣然幽糾憲么麼充數而貪酷悍婪
日惟苞苴是營安享富貴是執柄者與敗檢者之心不堪問

矣學校考取人才干請鬻賄而寒窗之彥百無一聞是奇才
異能之心不堪問矣沿海苦兵火者二十餘年有司加耗重
徵敲骨吸髓而蠲免之實惠不沾蠹役之魚肉彌甚是父老
子弟之心不堪問矣兵卒荷戈守山戍海負隅則有虎豹窺
伺則有鯨鯢藉其死力以爭此上而糧餉欠至半年庫銀缺
額百餘萬呼庚呼癸之兵心更不堪問矣嗚呼海天半壁危
如一綫雖智若良平勇如賁舍亦難展足措手而况蕭牆之
禍已釀于撤藩哉癸丑冬部臣入境奉

旨藩下左右兩鎮歸地方官管轄余與撫臣劉秉政提臣王進功
密議欲量撥一二營分防他處更勿迫其行旅不至人心驚
惶進功始應之而中捷焉必圖畫遠以孤其勢余復密謂之

曰此非孤其勢也遼迫渙散之軍心驅之附彼也夫許非小
須稍緩三三月候浙江協餉至補給舊欠月餉再預發兩三
月銀未安家然後令彼前往則途次庶無騷擾處所庶無他
虞急之恐倉卒生變進功雖意折仍私自調撥屢催赴戍及
擇期報明發餉起伍無何果人心洶矣俄而滇逆蠢動風
聞煽惑訛言沸興及停止遷移之差負責

命星至命精忠復縮兵符因得借口操練兵馬整頓器械從前檢
防之形迹催行之舉動豈不徒滋疑貳乎身為邊疆大帥以
歷戎行而不察時勢不揆人心事未至則剛悻偏執事一至
則倉皇失度亦可哀也已至撫軍為全省大吏責任非輕會
議之時畧無可否竟若置身局外者不更可嘆耶余不幸不

得同心協力公忠為國之察察而罹于禍宜也然予亦不因
時艱勢感輒敢廢弛政事而不急；收拾人心以為補苴計
也故自蒞任來條奏諸疏請速展界者安民也請撥現在協
餉者安兵也請將綠旗官兵裁去原額補足者實營伍也請
免緝投誠逃弁許投到宥罪安插本處者清山陬海濊也題
補城守副將用沿海勞弁者叙攻苦而處不次令之感激報
効也報巡歷邊海一帶形勢啓行日期者為欲置身外郡以
便調禦防範也再如頒刊示而准採捕者活溝瘠也說弭盜
而聯保甲者儲鄉勇也寬林簡修而招兵成者一安投誠一
散島衆也延林燧董生等因時相機者撫海逆也天或假以
時日獲奉

俞旨諸事就緒俟滇鋒一挫閩勢自孤而逆謀自戢天乎天乎何
竟使余為誤

國庸臣辱親敗子乎當逆君喪卧病時余每親至弔慰乘間輒
諷諭以大義冀感動其心余客愁子留山竊慮之常相告曰
昔魏文貞有言曰寧為良臣毋為忠臣又語云神龍見尾不
見首公其慎之舊弁王天祐等亦跪進曰連日之會輕蹈不
測左右多戒心公獨談笑自若竊窺撫提二公中懷叵測不
可與語余俱應之曰誠然余非昧于此也然以孤危之身處
艱難之際常疑忌之秋唯示之以誠使小人無能乘其隙稍
以緩彼之謀圖濟我事至于死生禍福誠不暇計既委身事
主父母之身即君之身古云君憂臣辱君辱臣死且子非不

知徒死無益但時勢如此百無一條同城共處舉動牽制上
下左右皆彼腹心雖日下閉門築壘其能免耶皆嘆息而退
督標兵馬向稱精銳聞自李公去世漸次頹靡及余來點閱
狼狽不堪名其實也閩安鎮為閩省門戶履任三月餘未遑
巡視後見群情稍定欲量帶數十名兵弁往視形勢而談營
將佐方以帳房什物弓箭器械朽壞未整為辭遂即隨遣官
來言曰廂日民心稍安訛言稍息恐公遠出又復動搖少頃
撫軍亦來力阻且為相約曰某在此久頗能得彼秘密有所
聞即來告共圖報効

朝廷斷不敢悞乃公事余曰閩安之行不過一視海口非久期
長往既諸公止予不行亦可靖藩祖孫父子叔姪兄弟世受

天家非常寵遇量無他志若公忠孝自矢肯以
朝廷之心為心

社稷養生之福也語竟心輒鬱退而不能釋復一客進曰公
既不得看海何不因滇寇震楚以設脩鄰封為辭潛出省會
扼據上流亦一策也予曰討過矣楚于閩相去遠濶間隔西
江風馬牛不相及毋論輕舉貽笑且啟累茲禍不可解不見
閩安未果之行乎所携兵弁為數有限尚以諸件未備為辭
今往據上流誰與為徒錢糧軍伍城池人心一無可恃今即
不量多寡率爾前往或據延平或據建寧誓死以圖一濟但
彼逆念雖久逆形未著倘或疑我據地欲陰謀之激變軍心
訛傳京師風聞者糾彈于前按罪有苛繩于後既冒輕出失
守之名兼招激變殞滅之禍身名俱喪耻莫甚焉余不為也
三月十五日甲寅天初明遂遣員詣署稟請曰王守制數月
未親軍務今海艘遊蕩乘滇南多故萌窺伺心訛言愈興眾
情愈惑今新奉固守地方

勅命不敢以私心廢公事願與諸公會商為護內防外之策因
喪服未釋不便就教敬遣下員從駕未幾撫軍來約同往詢
以所商何事近有何消息但支飾他語難心竊疑之乃故坦
然共轡以示無懼是日愁雲漫漶冷霧漠漠太陽慘淡無光
色入歧路中覺廊廡愆氣不可以目余知既陷虎口勢無退
理挺身而前仰天大罵賊眾兵刃環臨重加束縛時一二狼
卒有誤持劉臂者逆堂馬九玉急叱曰不干延撫事秉政但

俛首無言兩頰微紅而已處庭間即揮之去伊惶恐斜趨而出嗚呼痛哉君親倫理滅絕蓋已余噴血切齒醜言痛詆欲激怒以速吾死庶幾上副

主德下報親恩乃大罵一日夜求死不得又欲不食死遂每羅列飲食予揮斥之舌敝唇裂齧肉俱腐罵至第八日氣雖漸微聲雖漸細聞者猶狼籍塞耳瞋目怒視然又恐余自死環守不懈余身層々縲絏肢體拘攣不能動作唯一息尚存罵聲不已不意延至第九日十日而精神頓復氣之微者漸壯聲之細者漸宏側耳其傍者不以為恨而反以為奇嗚呼痛哉豈余當死于刀鋸鼎鑊而不當死于餓哉豈予罪深業重不能為

朝廷守疆土以致震驚

堂陞毒禍生靈當死于

國法哉當此時神魂恍惚常見

先皇帝儼然臨于其上先太傅儼然臨于其傍即遠而

太宗皇帝先高祖大司馬余幼所未經身事者亦親承音容笑貌于夢寐之間慈誨慤勤嘉言慰諭豈余思念所聚結而為形哉

天錫神聖默恤余之堅貞憔悴哉約計七百餘日之中着舊日夜帽時歷寒暑從未更換蟻虱蚊蠅恣其攢噬蓬垢疾病任其纏綿粥食半盂便可終日逆雖時遣問訊而惡語更加後亦不敢屢至防守者見余刻々覓死百折不回感動于中多方

慰解且為余言從前罹難時署中賓客親友及家人輩俱一時被執凌逼勘訊桎梏窘辱艱難慘切之狀幸皆忠義自勵視死如歸不為稍挫而二三婦女婢僕之類又能從容盡義夫婦子女相繼投繯嗚呼痛哉聞之文武大僚平日建高牙擁大纛亦云極一時之赫奕矣而望塵稽顙蒙面圖官保妻子而活軀命者如雲屯霧匝獨余賓客戚友身未邀一命之榮口未占升斗之祿感予區上之意尚能念君父重名節以身殉孤臣即健兒奔走之徒巾幗滅獲之細皆知寸心不二臨難不移聞者得無稍愧乎余以識闇計疎波累貽禍雖萬死其何恤焉余居重垣迫壁中罵未已繼之以詩文左右不敢具筆硯乃燒桴存煤畫字墻上其譏刺太毒者左右旋即塗去前後僅存若干篇並為文以序大畧俾見者知不肖不才所遭不幸得死不易云螺山髡翁炭筆識壁

木祗數不幸
豈或下易示
點山
詩
華
燕
聖
室
去
前
翁
對
齊
於
干
歲
並
為
文
以
中
大
界
新
具
於
味
不
留
不

畫壁詩

潘陽范承謨螺山著

絕粒罵賊滴水不入口者十日不意昏寐之中一縷血痕竟

為左右竊斷痛絕

珍重衝冠髮幾根此心不共此頭髮一縷未了忠魂在且向星前

禮至尊

偶成

女蘿附喬木願言修世好豈意忽參商所趨不同道人生掣電光
誰能終其老金石物化常浮雲焉可保

雨夜哀敝袍

晝裏為裘夜作衾更聞半幅藉羸身並頭筍笠殘紅粉偏浪駕鸞

泣血津夢學老萊歸休蝶行同季路結寒鴉高堂兩袖牽衣淚風
雨揆燈點二真

雨齋即事

遙辭瀛海展洪圖何意一朝鱗甲蘇戶暗織蛛腸屈曲墻穿牙鼠
夢模糊片窗百孔風聲碎斗室千光燈影珠最是雨餘牀似洗月
搖寒浪浴水壺

秋夜

北風涼我牖蟋蟀遶床鳴病影隨衣瘦繁愁向夜生思親傷白髮
報國愧虛名默對三更月勞二萬古情

至日

憶昔日南亞歲時趨陪鷓鴣拜楓螭到今雪窳孤臣淚上苑誰傳

雁帛知

除夜

一片丹裘歷雪霜歲華不信有滄桑東風此夜仍舒凍佇待春回
旭日長

元日

遙瞻北闕申華祝獨誦南薰憶舜琴弱骨倩人扶拜舞不禁揮淚
五雲深

月下松濤

玉繩橫素月歷落列星疎清光照瘦影脉脉一燈孤我來實不造
禍亂肇須臾軍饑民累重馭滋悉萑苻嗚心廢寢食中夜起長吁
移藩復坐鎮再給統兵符廟筭思弭患叛孽逞逆謀嗟二塊齏子

誰為忠義夫，倒呈生殺柄。反而媚妖狐，俊傑識時志。妻孥富貴軀，豈無桑土計。予口亦卒瘞，柰墮稠棘中。隻手難為圖，惟將身謝國。安忍惜頭顱，雖非齊壯士。頗多慷慨徒，健鬼隨烈友。視死若歸途，回首雲際松。矯龍勢殊凌，寒凝翠色霜。雪剝鱗膚形，枯神氣勁。悲風動海隅，泰交陽候屆。雷雨曜天衢，逆巢摧尺木。孽種染銀鈺，鯨鯢生獻廟。脅從莫勝誅，瘡痍勤矜救。淨洗血腥污。

聞署中同時被難諸人語言慷慨鬚髮蒼然感賦

從來聚首馳南北，中道分張墮海隅。三載天涯隔咫尺，百人心日照須臾。凌霜氣節鬚眉見，似鐵肝腸談笑殊。魑魅幾能潛白晝，尚方連夜響銀鈺。

覽鏡中白髮

水月精神冰玉姿，鏡中不肯愧鬚眉。半生寤寐藏三畏，廿載馳驅歷四知。直破皮囊無一物，空餘蓬鬢挂霜絲。首陽分淺常山憊，默對清光影更癡。

燈前梅影

味色聲香絕點痕，飛來一段蟄龍根。暗松雪蕊生春意，靜放清芬破凍魂。遙望嶺頭雲共白，回思閣裡玉同溫。冰姿鐵幹真孤調，肯並桃溪與杏村。

紀夢 有小序

冬夜夢回月照孤影，飄墮鬼趣。比復聞大兄收逆滇中老母膝下，惟諸幼弟稚子，殊不禁天各一涯之痛。

一夜召還京千軍，列羽旌威勞荷。聖眷操縱欽文明，朝退歸私

第良逢會弟兄樂奏霓裳舞觴飛金玉橫直前不相認爭來問姓
名道罷各悽愴悲定意猶驚幾日蓬顏色大異昔時榮老親憐鬢
髮稚子識音聲戚友如堵立悲喜手交擊環詢亂離事欲語心忤
忤腸斷聞殘漏彷彿訴未成魂回忽萬里雞鳴正三更霜威涼浸
骨痛覺恨餘生覽衣出戶望酸風裂目睛遠睇銀河月潢池氛氣
清捷音應絡繹宵旰蚤怡情寒渚棲蘆雁舍貞抱影鳴茹荼天色
慘終憐副請纓一鼓摩雲翼攫茲鯨與鯨佇歌旦復旦卿雲四表
平

元日望闕

春回兩鬢復霜侵愁病翩翩次第尋淪雪三年如一日傾葵百面
結同心遙依北斗同陽雁何日南薰侍舜琴拜舞但能長叩首模

湖淚眼白雲深

立春

暮鐘哀角蕊難聽曉起扶筇教落星昨夜雪消霜便薄燒痕放出
一山青

絕影詞

何處春光秋更深碧山遙對是知音仰看明月低看影宛轉隨人
惱我心

又

東君枉自費哦吟一任鄰家花蕊深祇恨影痕難共語轉羞明月
卧窻陰

控雁詞

三年日夜望樓船
四壁牢騷暮烟寒
雁若憐蘇馬國血痕淡酒
染晴天

瓶蘭

天生幽異姿
雨露山中靜
時發空谷香
豈解悅人性
寧作當門鋤
那堪植汗境
徒爾為形萎
芳氣動

抱犢吟贈愁留山

陟彼惠山巔
俯瞰融寒玉
一掬流古今
煩熱何能觸
中有抱犢人
意靜明如練
匡濟蘊珠璣
微言飛雪霏
我雖世講誼
心交方未久
義在萬緣輕
生死遙相守
兒女曉夜號
椿萱驚日暮
嗟此骨肉情
天高難共訴
茹荼傷雋英
繁霜華墨鬢
仰盼雙鴻鵠
輕陰遊甚迅

籠中畫眉

群居幽谷中
翱翔情自好
素眉淡疎山
清音越林杪
虛聲乃足累
羅網來相惱
生遭輕薄兒
欣持以為寶
雕籠貯弱軀
玉粒資宿飽
錦繡障塵寒
鳥彘供飲滌
春風怨落花
秋月哀衰草
翹首望青冥
振翼舒懷抱
不愛金玉堂
願共烟霞老

清明

春暮鵲聲那忍聞
桐花柳眼任紛紜
傷心獨憶先人語
張望天涯是白雲

夢僕

重々萬堵幾能達
網紀聲沉影亦稀
老輩想應心念我
夢中常見喜依依

初度六憶

憶 帝制慈闈伯兄諸弟兩姪兩
兒振孫繩孫道儀道鳳並諸同難
兒吟 書堂詩

國恩世澤萃孤忠生我之初便有終短袖不堪瞻碧闕破襟尚可
受清風武侯心事身猶在文正家聲樂已窮黍谷吹葭知律轉
年 天子日長中

其二

愁魂斷續不成愁况復殘更催曉籌持印提戈空噴血宿鳩集鳳
愁休之廿年候 國千秋恨垂白貽親萬里憂此際料應慈力倦
呼兒名字血凝眸

其三

從來兄弟自怡怡因憶當年因約時蚤夜扶持如保母春秋訓誨
儼嚴師粵山松柏存孤幹滇水欖槍照大旗生死不同許國幾
番動哭鵲鷓詩

其四

翩翩雁序聚朝昏玉立亭亭闕闕門三載在原頻入夢一鳥無翼
有誰援天涯抱恨吾膚髮膝下承歡爾弟昆不必向南空祭奠望
多好語慰慈萱

其五

君親念重實難支又復惺惺及幼癡後真可能騰翮羽振繩尚欲
衍螽斯好尊伯叔如生父善養公婆即孝兒莫恃嬌慈任意慣輕
題閩事惱霜眉

其六

寂寞孤臣天際留芳魂爾自記春秋傷心雁字飛紅淚塵壁霜華
染白頭各為一人經世難同貽百歲之親憂後來雷雨風雲合痛

定依依話舊愁

寄祝嵇山農四十初度仍和前韻

心灰形槁學無為
春鳥喧迎初度期
口吐白虹騰志氣
額消綠鬢解愁眉
看花浪捲魚龍德
笑絮泥沾燕雀悲
天地有情償舊約
從容借箸事還宜

其二

來世情深寐不忌
捨身割肉亦尋常
浮雲富貴春冰薄
如雪心肝鐵柱強
遭此毒氛埃嶺嶠
存些正氣補膏肓
留山筆迹螺山舌
何用魚腸始快腸

其三

麟閣重開待若圖
扁舟且艤漫歸湖
靜看霖雨蘇焦涸
聽天風

被朽枯博浪一椎情
愈憤錦囊三矢志
難孤荒烟漸歛桑榆茂
水月含輝朗暮暉

其四

滄海塵凝桑滿田
誰期仙侶復逃遄
含生并孽潭前日
誓死滄茶整二年
浴日莫辭閩浪濶
瞻雲已度越山邊
躍淵待洗煩憂盡
連袂天衢謝夙緣

其五

佳夢頻：遂苦情
翱翔雲路一身輕
網常幸爾還天地
事業從新擁甲兵
霹靂影中嵐氣靜
笑談聲裏海雲平
攜筐共採天台藥
不啻人間記姓名

其六

抱膝曾歌梁甫吟春松徒費曉霜侵文章瀚海光風遠節義凝龍
傑負深清白鼎鍾胎後嗣烟霞節笠慰初心蜂頭共話無生訣笑
領麻姑喚淺斟

口占即事

有序

仲夏朔朝武夷子插花一瓶用供大士品逾十種氣倍三
時偶續舊句聊志物候不齊

榴花更比杜鵑紅蘭蕙鮮香氣濃春去星攢十姊妹秋光火噴
玉芙蓉鳳仙低映水花色雞距高騰蒲劍風更是素馨依竹籜蓮
簪袖出濁泥中

憶業師

影歲從師學鉅儒置懷口授五伊吾故容忽入連宵夢猶屬網常

兩善扶

病中懷郭快菴

有啟

連日吐血斗餘偶循墻散步忽見墻外絳桃甚茂不禁目
駭心驚因憶快菴太史晉中寄懷詩內有只因白髮動離
思及不使雙瞳到楚詞之句每懸之壁間不忍數讀今余
見此花輒作教日惡始知潦倒愁人雖日在武陵洞口正
不減汨羅江上也

故人的：寄離思怕使雙瞳到楚詞壁隱龍蛇驚雁影墨浮珠玉
起秋思廿年譜未羨前哲萬里心悲誦舊詩奈我至今情更異雙
瞳又怕到桃枝

懷表兄李長白御史

元令書壁詩

幼同筆硯長同朝珥筆彤庭事舜堯補袞拾遺無廢缺誰期遲暮
遇狂獠

夢多總憲

通宵靜對繪民艱痛擬來朝慰 聖顏却被鄰雞啼破夢霜風冷
月掛梁間

懷諸同學

究罷岐黃池酒卮月揉弓影兩催詩吻 鹿野驚虞獵半走岡陵
半網罟

食荔枝感懷

硃砂團裹水晶球脆軟香甜第一流前後剝吞後半百飛塵難寄
淚空浮

故恩

少年愚鈍任天真父執時承獎掖頻今日顛危思舊德力持一柱
報鄉人

杆徑聲

八月十五夜捫炭桴書獄壁因以寄調

一線簷光蟾兔暈一片秋聲砧杵韻今宵處 理征衣瓊樓玉宇
寒難問 破紙疎檣風直進素娥無奈窺霜鬢短髮蕭 悲正長
白不緇兮堅不磷

勾留吟

此隣砧驚夢憶舊之作也詞內藏看字同時被難諸人里
族字諱

春月溶溶向夜深松濤沾韻漏沉沉蘭亭少長頻來夢踏泛勾留
指碧岑碧岑高矗雲盤曲四野青濛星陸續手拂瓊霄袖落霞目
低銀漢迴銜玉：銜遙指鳳凰城望美人兮心忤：瘦骨雖無縮
此術冰心尚信自天成仰天欲語心轉苦懷抱縱橫天及五奕葉
貂蟬著國華肯將姓字污家譜倦眼迷離望莆田酸風如箭射眸
穿三年破榻悲誰語幾堵頽垣痛各天各天同難天應祐紫電青
霜烏巷肯將軍親執繡雕旗躍馬直前真盪寇一戰成功抱犢開
朝來泛水暮猶山那知多少東林興都付西風殘照間董賈文章
虫唧：窮通貴賤禪中盡誰御長風汗漫遊我欲從之萬事畢恍
惚天際兮來我真人駕玉麟兮飾寶琛建朱旆兮耀金廷邀王喬
兮酒數斟舞芝兮撫珍琴韶武迭奏兮開余素心何以處此寂

冥兮聞太古之元音繼而止于芝山之巔雙松之下啓口微吟曰
海日升兮東光明鄉雲爛兮泰階平仙霞開兮分役五丁山龍藏海
鯢烹何為悽愴憔悴兮日勞：而自戕其生君不見畫角鳴兮鼓
聲起為我慇懃慰諸子義仁忠勇萬人魁永壽芳名紀青史余乃
爽然而驚肅然而迎三星在戶四顧一繁情耿耿砧聲清

武彛曲 有敘

不見筆硯者幾三年矣病卧中偶成武彛一曲贈武彛子
也思欲寫出一觀武彛子伺守者團食窗外乃閉戶垂幕
徐出寸管滴汁于片石間恍然如覩故人嗚呼痛哉拭目
展紙之絮臂酸索重頭眩心搖因是數作數止半掩半舒
揮淚奮毫者移時方竟孤臣血淚義俠高風于此可以畧

見且予自罹難以來眼前所有一切非舊獨獲者內
曆一冊朝夕捧對每逢君親吉旦以至朔望諱辰預自
濯體齋心肅于五夜淚起著我衣裳倩人扶掖荷械向北
拜祝遙殫愚忱並效蘇子卿坐卧不離漢節之意倘予業
緣已畢塗血有日遂我報稱列聖隆眷更望密檢其曆
同此數點殘淚合而貯之俟逆氛掃蕩持以示我兄弟子
姪俾令見我心迹手書悉我堅志苦衷感佩雲誰當與河
山並永紅螺寺巨辯行者殄賦贈武彞山人時 大清康
熙十五年二月初五日也

吁嗟戲淮陰未遇兮漂母哀 孫山落魄兮武彞開漂母一飯兮情
生彼頃武彞三歲兮凝結成 以自是有心知順逆非因瀕死起寒

灰三月十五維帝晨轅門甲士往來頻氣色非常人共駭城頭雷
礮崩蒼雲蒼雲未散搗鼉鼓天吳欲沸刑天舞直憑談笑折狂鋒
刀戟如林何足觀刀比霜兮戟作林兩廊殺氣過飛禽君恩臣節
當今日后土皇天鑒此心此心久許主人死誰解全軀保妻子可
憐相向大中丞俛首無言但爾一一身九鎖聲郎當鬼火空房淡
日黃百計勸餐羅糞土踴翻几案蝶飛揚吁嗟戲我凜如霜兮人
呼鐵面我來如火兮人自難見世受國恩兮父子兄弟敢忘報
稱兮骨廟血濺既墜鬼隅兮言返吾真咫尺首陽兮幸與為隣常
山吉利兮鯨鯢膽碎吐氣如虹兮斷齒截銀左右難堪兮怒色加
環睛按劍語聲謹十日肉枯神愈健咆哮怒者亦興嗟武彞武彞
古人風慨吟包胥賦孤忠秦庭七日能完楚君更餘三將無同君

何不忍須臾死未必天心遽如此懷光希烈真奇克終須斬馘獻
天子君不見公孫杵臼告程嬰成事稱難死事輕無論鴻毛與秦
岱漢節終歸蘇子卿我聞此語轉增苦我何人斯比蘇武暫吸滴
水效吞蠶可能煉石將天補垢面蓬頭欹復歔滿前異類總狂且
生何為兮死有恨朔望踉蹌拜帝書多君慷慨心如揭吾亦披肝
飲君血炎荒毒日渴喉焚涼我燕山片雪冬月悲風透骨寒殷
殷雅意續還熱一曲長歌筆未終歇一四壁虫聲咽嗚呼誰為潘
陽之裔兮子暨諸孫睹此片楮隻字今須知為死血將盡之流痕
當思何以處此今慰我生前未了之幽恨吁嗟哉滿目丹心今八
千里外之遊魂若使悠悠復返一辜負親恩與國恩
子寫武彝曲既竟不覺慨然于中也久不親筆硯乍蓬故

物悲從中來蒸拘攣之餘毘防之際遂致闕漏姓氏誠恐
朝野之間兄弟子姪輩不知妖氛逆燭中尚有懷忠抱義
任俠沉埋其間而能物色孤臣周旋患難于兩載之久使
持此以報

朝廷則為鞠躬禪節之人具此膽畧以任疆場之事則亦干
城禦侮之選也子家兄弟子姪倘能效古大臣以人事
君之義則子雖橫尸巷陌亦含笑九原矣武彝子何姓許
名鼎閩之泰寧人也行者殫何辱親敗子悞國庸臣
范承謨也

絕命詞

連宵烏鴉南噪曉聞王師已逾仙霞耿劉二逆初謀携

裝近海繼以衆情弗順始議投誠禁卒偵知其情密以慰
予予笑曰二逆即投誠終不為然必先殺我以滅口因口
占示之

一笑襟開萬怒平龍興有寺葬真鄉執旗厲鬼爭前奠盡掃穿墻

六首

弟

承勳

承烈

男時崇校正

通語序

康熙丙辰方與相國能孝感先生介弟遜修同舉于禮部而先生
以乙卯解機務養望金陵之北山未及一謁見也戊辰起大宗伯
公何丁太夫人憂方先以言事罷歸忝年家子詣金陵陳絮酒之
奠始得見先生于倚廬先生隨以學統一書見示方敬受歸而卒
業焉為詩四章以寄先生承手復殷勤深加許可謂與朱子感興
詩相發明方則何敢壬午由大家宰復相丙戌屢乞身予告歸
金陵日以著述為事方幸浮沉田里得肆力于古人之書輯朱子
論文之言自經史子集得二十一卷始知文與道之指歸竊思
本朝講學者希後進失所宗主而姚江之說援儒入佛引佛竄儒
使聖人之道淪沒晦昧而無有識焉者矣明季東林諸君子始為